

Här Mars di Bartolomeo  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 28. Februar 2018

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Landwirtschaftsminister weiderzeleeden.

An der Äntwert op meng parlamentaresch Fro vum 7. November 2016 (N°2541) iwwert d'Hondsrasse steet, datt déi am Hondsgesetz vun 2008 opgefouert Lëschtelhënn „*bis elo net weider opfälleg waren am allgemenge waat Bäiss-Tëscheffäll ubelaangt.*“ Weider heescht et: „*Déi meescht Accidenter geschéien duerch verschidde Rassen oder Mischlingen, oft si kleng Rassen bedeelegt wéi Jack-Russel-Terrieren oder Dackelen (...) och e schmusereschen Hond ka bäisse wann en net déi richteg Erzéiung oder Haltung kritt.*“ Fir eben de richtegen Ëmgang mam Hond ze léieren, ginn hei zu Lëtzebuerg Formatiounscoursen ugebueden, déi den Hondsbesëtzer op fräiwëlleger Basis absolvéiere kann.

An deem Kontext géif ech dem Här Landwirtschaftsminister gär dës Fro stellen:

1. Leien dem Här Minister Zuelen vir, wéivill Leit dës Formatiounscoursen bis elo matgemaach hunn?
2. Wéi eng Erfarungen goufen bis elo mat deene Coursen gemaach?
3. Wär et an den Ae vum Här Minister net sënnavoll, dës Course méi ze promovéieren?

Mat déiwem Respekt,



Fernand Kartheiser  
Deputéierten